

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0054088 25
Zenica, 19.09.2025. godine**

OPĆINSKI SUD U ZENICI
- Sudiji za prethodno saslušanje -
ZENICA

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

B. A., neosuđivan,

Što je:

Dana 15.07.2023. godine, oko 15,15 sati, u Zenici, upravljajući motornim vozilom marke ... reg. oznaka ... dok se na mjestu suvozača nalazila njegova supruga B. S. i krećući se lokalnim makadamskim putem iz smjera Višegrada u smjeru Vranduka, vozio neoprezno i nedovoljno pažljivo pa postupajući suprotno odredbama člana 43. stav 1. Zakona o osnovama bezbjednosti saobraćaja na putevima u BiH ugrozio sigurnost javnog prometa tako što brzinu kretanja vozila nije prilagodio osobinama i stanju navedenog puta kada je pri brzini od oko 30km/h pri ulasku u lijevu oštru krivinu uslijed zakašnjele reakcije nastavio sa kretanjem i prešao preko saobraćajne trake namijenjene za kretanje vozila iz suprotnog smjera a potom prednjim dijelom vozila ostvario kontakt sa zemljanim dijelom sa lijeve strane gledajući u smjeru kretanja uslijed čega je došlo do prevrtanja vozila, svjestan da zbog takvog činjenja može nastupiti zabranjena posljedica, ali olahko držeći da ona neće nastupiti ili da će je moći spriječiti, koje prilike je oštećena B. S. zadobila teške tjelesne povrede u vidu kompresivnog preloma prvog slabinskog pršljena zbog čega je isti dan radi ukazivanja medicinske pomoći zadržana u Kantonalnoj bolnici Zenica,

čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.